




O LE FEAGAIGA MA  
SE ATA FAALE-LAGI  
NA TUSIA





“Ona alu lea o Mose ma na faailo atu i le nuu o afioga uma lava a Ieova ma faamasinoga uma. Ona tali mai lea o le nuu uma ma le leo gatasi ua faapea mai, 'O mea uma lava ua fetalai mai ai Ieova, matou te faia lava'” Esoto 24:3



Ina ua uma ona faaleoteleina atu le folafolaina o Poloaiga e Sefulu ma tuuina atu ia Mose se seti o tulafono faavae, ona finagalo lea o le Atua ia faia se feagaiga ma Isaraelu.

Sa faigofie lava le feagaiga: E fai A'u mo outou Atua, Ou te puipuia outou ma faamanuia ia te outou; a'o outou, ia outou usiusitai mai i A'u tulafono.

Ina ua uma ona tusia le feagaiga i luga o le tusi ta'ai, ona tatau lea ona faamaonia mai e vaega uma ia e lua. E faamaonia e tagata ma faapea mai, o le a latou tausia lava. Ae na faapefea ona faamaonia e le Atua? I le toto; o le tausamaaga; faatasi ai ma se faaa'oa'oga e fesoasoani ia latou malamalama lelei i le feagaiga



### O le Feagaiga:



O le toto o le feagaiga (Esoto 24:1-6, 8)



O le faataunuuina o le feagaiga (Esoto 24:7)



Talisuaga o le Feagaiga (Esoto 24:9-18)



### O le Ata Faata'ita'i:



O le sini o lea Ata faata'ita'i (Esoto 25:1-9)



O le sauniuniga o lea Ata faata'ita'i (Esoto 31:1-18)





O L E F E A G A I G A

"WHAT GOD SAYS WE WILL DO"  
אֲשֶׁר יֹאמַר אֱלֹהִים נַעֲשֶׂה




# O LE TOTO O LE FEAGAIGA

Ona ave lea e Mose o le toto, ma na sausuina ai le nuu; ua ia faapea atu foi, 'Faauta i le toto o le feagaiga ua osia e Ieova ma outou i nei mea uma lava.' ” (Esoto 24:8)

Na faapefea ona faia o lea feagaiga?

1. Na faitauina le feagaiga (Esoto 24:3a)
2. Na tali atu tagata o le a latou tausia lava (Esoto 24:3b)
3. Na faamauina i tusitusiga (Esoto 24:4a)
4. Na fausia se fatafaitaulaga (Esoto 24:4b)
5. Na faatuina foi poutu maa e 12 (Esoto 24:4c)
6. Na latou faia foi taulaga mu ia leova (Esoto 24:5)
7. Na sausuina se tasi vaega o le toto i luga o le fatafaitaulaga (Esoto 24:6)
8. Na toe faitauina foi le feagaiga i luma o le nuu (Esoto 24:7a)
9. Na toe tali mai foi le nuu latou te faia lava (Esoto 24:7b)
10. O le isi vaega o le toto na sausuina i luga o tagata (Esoto 24:8a)
11. Na faailoa atu e Mose o le “toto lea o le feagaiga” (Esoto 24:8b; Mt. 26:28)
12. Na faia foi se ta'umafataga e faamaonia ai le feagaiga (Esoto 24:9-11)



Na silafia e le Atua Israelu o se nuu (12 poutu); sa la faatauaina le tupulaga laiti; ma sa la tuuina atu o la lava i a'i latou taitoatasi uma (sautuina Lona toto i o latou luga).

O loo finagalo le Atua i se mafutaga ma'i tatou ta'itoatasi, atoa ai ma se nuu o tagata talitonu

# FAATAUNUUINA O LE FEAGAIGA

**"Ua ia ave foi le Tusi o le Feagaiga, ma na faitaulia i luma o le nuu; ona latou fai mai ai lea, 'O mea atoa uma ua fetalai mai ai Ieova matou te faia lava, ma faalogo i ai.'" (Esoto 24:7)**



**I le faamaoni atoatoa, sa ta'utino atu ai e tagata i latou lava o le a tausia lea feagaiga. O lenei ta'utinoga e lei umi lava (Esoto 32:8).**

**O le tupulaga foi na sosoo atu ai na ta'utino atu o le a latou tausia lea lava feagaiga (Iosua 24:18b). Ae na manino lava le lapata'iga a Iosua i a'i latou: "Tou te le mafaia ona auauna ia leova, aua o le Atua paia o Ia" (Iosua 24:19).**

**O le a se mea e taofia i tatou mai le usiusitai atu i le Atua, e ui i o tatou manatu lelei?**



**Ona o le natura agasala, ua tatou lē usiusitai ai (Roma 7:18), ma e leai lava se mea e mafai ona tatou faia e suia ai o tatou uiga (Roma 7:24).**




**Ae pe afai tatou te faatagaina o Ia, e mafai e le Atua ona suia lo tatou natura (Esekielu 36:26-27). Na te faamamaina, Na te aveesea, Na te foaiina mai, ma saunia ina ia mafai ona usiusitai ia te Ia. Ua na'o Ia lava na te faamalosia i tatou (2Korinito 12:10).**



# O LE TA'UMAFATAGA O LE FEAGAIGA

“Ona o a’e lea o Mose, ma Arona, ma Natapu, ma Aviu, atoa ma toeaina o Isaraelu e toafitugafulu; [...] ua latou ilo atu i le Atua, ma ua latou aai ma inu” (Esoto 24:9,11b)



E pei ona tatou vaaia i le faaa’oa’oga na faia e lakopo ma Lapana anamua i Sasae, o se faamaoniga o se feagaiga na aofia ai ma se talisuaga e ta’umamafa faatasi ai itu uma nei e lua (Esoto31:44-54).



I Sinai, na ofo atu ai e le Atua se “talisuaga o le feagaiga” i tagata e 74: Mose, Arona, Natapu, Aviu, o toeaina e 70, e fai ma sui o le nuu uma (Esoto 24:9-11).

Ina ua faavaeina e Iesu le feagaiga fou, na faia foi lea mea e ala i le faasoaina atu o Lana ta’umafataga i le au aposetolo e12 (Mataio 26:26-28).

O taimi uma lava tatou te ta’umamafa ai i le Talisuaga a le Alii, e faafouina ai la tatou feagaiga ma le Atua. E ala i le ta’umamafa i le areto ma le uaina, ua tatou faamanatuina ai le faamagaloga ma le faaolataga ua tatou maua ia Iesu (1Korinito 11:26).



E ui i lo latou matua teena lava o le faaolataga, ae e lei faaesea ai Natapu, o Aviu, poo luta mai lenei “talisuaga o le feagaiga.”





OLE ATA FAATA'ITA'I



# O LE SINI O LEA ATA FAATA'ITA'I

"Ia latou faia foi mo A'u se malumalu, Ou te nofo ai faatasi ma i latou" (Esoto 25:8)



O se faamaoniga o le a la faataunuuina Lana vaega o le feagaiga, na filifili ai le Atua e afio mai ma nonofo faatasi ma tagata

Ae o le afio ai o le Atua i la le tino o lona uiga o le a faavave ona oo ai le oti i a'i latou uma, aua e leai se tasi e vaai ia te la ma ola pea (Estoto 33:20). O le mea lea, na la poloa'ina ai i latou ina ia fausia se malumalu ia mafai ona faaalia Lona afio ai. O Lona afio ai foi e faaalia lea i ni faatusa, talu ai e le afio le Atua i le tino i soo se malumalu faale-lalolagi (Galuega 17:24 ).

Na faaali atu ia Mose le ata ma tuuina atu ni faatonuga ma'oti mo lona fausiaina. Na talosaga atu i tagata ina ia foaiina atu mea o loo mananomia mo le galuega (Esoto 25:2-7).

O le falefetafai ma le malumalu na fausia e Solomona o ata faataitai lava ia o le malumalu na fausia i le Lagi (Eperu 8:1-2; 1Tupu 8:27, 30).

Pe a ulufale se Israelu i le malumalu, sa ulu atu o la — faafaatusa—i luma lava o le afioaga o le Atua...seia oo ina saeluaina le ie pupuni ina ua maliu Iesu.





# O LE SAUNIUNIGA O LEA ATA FAATA'ITA'I

**"Faauta, ua Ou valaauina i lona lava igoa, o Pesalelei le atalii o Auri, o le atalii lea o Huro, o le ituaiga o Iuta. Ua ou faatumuina foi o ia i le Agaga o le Atua, i le potu, ma le faautauta, ma le iloa lelei e fai ai aaluea uma lava." (Esoto 31:2-3)**



**E ui lava na tuuina atu e le Atua ia Mose faatonuga auiliili e tusa ai ma le fausiaina, ae Na te lei ta'uina atu auiliiliga uma. O le a se foliga vaaia o le faatanoa vai apamemea, o kerupi, o pulou o faitaulaga, ma isi. Na tuuina atu lenei avanoa i le Agaga Paia e galulue faatasi ai ma meaalofo a le 'au tufuga.**

**Mo nei auiliiliga, na faaoaina ai le Agaga Paia i ni meaalofo faapitoa:**


**O Pesaleli, na faatonutonuina le galuega atoa (Esoto 31:2)**

**Aliavu, o lana fesoasoani sinia (Esoto 31:6a)**

**Ma isi tagata e fesoasoani i le galuega (Esoto 31:6b)**

**I le totonugalemu o faatonuga mo le fausiaina o le malumalu, sa ta'ua faapitoa ai foi lava ma le Sapati (Esoto 31:12-17). O le a se mea a le Sapati e faia i nei mea uma?**

**O le paia o le ki lea. Ina ia faalatalata atu i le Atua Paia, e tatau foi ona paia i tatou ia pei o ia. O le Sapati la o le faailoga lea o Lē paia (Esoto 31:13; Esekielu 20:12, 20).**





**“I le fausiaina o le malumalu e fai ma afioaga o le Atua, na faatonuina ai Mose ina ia faia o mea uma lava e tusa ma le faatusa o mea oi le lagi. Na valaauina o ia e le Atua i le mauga, ma faaali atu ia te ia o mea faale-lagi, ma lo latou faatusa na faia ai le falefetafai ma mea uma sa faatatau i ai. E faapea foi ia Israelu, o lē na Ia finagalo i ai e fai mo Ia e afio ai, na Ia faaalia mai ai le tulaga sili na mamalu o Lana amio atoatoa. [...] Ae o lenei mea sili sa latou i ai, i a’i latou lava, ua leai se malosi e maua ai. E mafai i le faaaliga i Sinai ona faagaeetia i latou i lo latou mana’omiaga ma le leai o se fesoasoani.”**